

საინფორმაციო ფურცალი - შეთავაზება

1. მზღვეველი: სააქციო საზოგადოება - სს «სადაზღვევო კომპანია ალდაგი».
2. დაზღვევის ხელშეკრულების სახე: კომერციული ქონების დაზღვევა.
3. დაზღვეული რისკის აღწერილობა/სადაზღვევო დაფარვის პირობები: დაზღვევის ხელშეკრულების საგანია დამზღვევის კანონიერ სარგებლობაში არსებული ქონების დაზღვევა მზღვეველის მიერ დაზღვევის პირობების შესაბამისად, დამზღვევის მიერ შესაბამისი სადაზღვევო პრემიის გადახდის საფუძველზე, შემდეგი სადაზღვევო რისკებისაგან: ხანძარი, აფეთქება, მეხის დაცემა, თვითმფრინავის ან სხვა საჰაერო ტრანსპორტის ჩამოვარდნა, წყალგაყვანილობის სისტემების მწყობრიდან უეცარი და მოულოდნელი გამოსვლა, შტორმი, ქარიშხალი, წყალდიდობა, ნიადაგის ჩამოშლა, მეწყერი, უხვთოვლიანობა, მიწისძვრა, ქურდობა მელწვეთით, ძარცვა, ყაჩაღობა.
4. დამზღვევის მიერ, სადაზღვევო პრემიის გარდა, სხვა ფინანსური ხარჯის განევის წინაპირობები, ოდენობა და წესი არ არის გათვალისწინებული.

5. ფრანშიზის სახე, ოდენობა და გამოყენების წინაპირობები

ფრანშიზა არის თანხა, რომელიც არ ექვემდებარება მზღვეველის მიერ ანაზღაურებას და რომელიც აკლდება ზარალის თანხის ოდენობას და რომელზეც მზღვეველი არ არის პასუხისმგებელი.

ფრანშიზა – ასეთის არსებობის შემთხვევაში - განისაზღვრება სადაზღვევო პოლისში.

ფრანშიზა შეიძლება იყოს:

პირობითი – თანხობრივად გამოხატული პირობითი ზღვარი. თუ ზარალი ამ პირობით ზღვარზე ნაკლებია ან მისი ტოლია, მზღვეველი მას არ აანაზღაურებს. თუ ზარალი აღემატება ამ პირობით ზღვარს, მზღვეველი აანაზღაურებს ზარალის მთლიან ოდენობას;

უპირობო – ის მინიმალური თანხა, რომელიც ყოველთვის გამოაკლდება მთლიანი ზარალის ოდენობას;

თუ პოლისში ფრანშიზის ტიპი არ არის მითითებული, გამოიყენება უპირობო ფრანშიზა;

ფრანშიზა შესაძლოა განისაზღვროს როგორც ყველა, ისე ცალკეული სახის ზიანისათვის სხვადასხვა მოკულობით და მიეთითოს პოლისში.

6. დაზღვევის ხელშეკრულების საგამონაკლისო პირობები

6.1. გამონაკლისები

მზღვეველი არ არის პასუხისმგებელი იმ ზარალზე, რომელიც გამონაკლისია:

ა) იონიზირებული რადიაციით, თერმობირთვული საწვავისა ან ნებისმიერი ბირთვული ნარჩენებით განპირობებული რადიოაქტიური დაბინძურებით, რადიოაქტიური, ტოქსიკური, ფეთქებადი ან ნებისმიერი ბირთვული ნივთიერების შემცველი აირით;

ბ) მიწის სამუშაოებით, შენობის სარემონტო სამუშაოებით;

გ) მასობრივი არეულობით, ტერორიზმით ან მისი ნებისმიერი გამოვლენით, შემოსევით უშუალო ან არაპირდაპირ საომარი მოქმედებებით, სახელმწიფო ხელისუფლების მიერ გამოცხადებული განსაკუთრებული, საგანგებო, სამხედრო მდგომარეობით, სამოქალაქო ომით, საბოტაჟით, აჯანყებით, შეიარაღებული გამოსვლებით, ატომური იარაღის გამოყენებით მანიფესტაციებით, ლოკაუტით, გაფიცვით და სხვა ანალოგიური მიზეზებით;

ე) ჩრჩილით, ბაქტერიებით, პარაზიტებით, ქონების ლპობით, ცვეთით, ეროზიით, კოროზიით, დაჟანგვით, თანდაყოლილი დეფექტით, მალალი ან ცვალებადი ტემპერატურით ან ტენიანობით, ფერმენტაციით, აორთქლებით, შემადგენლობის შეცვლით, წონის შემცირებით, გადახურებით, გამოშრობით, შეუსაბამო ან/და არასწორი დიზაინით ან/და პროექტირებით, დეფექტური მასალების გამოყენებით, ქონების სხვა ბუნებრივი თვისებებით;

- ვ) “დამზღვევის” (მოსარგებლის) ან მისი ოჯახის ნებისმიერი წევრის ან მასთან მცხოვრები პირის ან იმ პირის, რომელიც დამზღვევის თანხმობით მართლზომიერად სარგებლობს დაზღვეული ქონებით, განზრახი ქმედებით ან მართლსაწინააღმდეგო ქმედებით;
- ზ) სადაზღვევო პოლისში აღნიშნულის გარდა, სხვა რისკებით;
- თ) დაზღვეული ქონების პირდაპირი დანიშნულების ტერიტორიაზე (დაზღვევის ტერიტორიაზე) არ ყოფნის;
- ი) ხანძარსაწინააღმდეგო სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;
- კ) დაცვის (სიგნალიზაციის) სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;
- ლ) სახიფათო ნარჩენების შეუსაბამო, არასათანადო შეფუთვით და შეუსაბამო ადგილას მოთავსებით;
- მ) გარემოებებით, რომლებიც ზრდიან სადაზღვევო რისკის დადგომის ალბათობას, ცნობილია დამზღვევისათვის ან მისი ოჯახის ნებისმიერი წევრისთვის ან მასთან მცხოვრები პირისთვის მისი ოჯახის ნებისმიერი წევრის ან მასთან მცხოვრები პირის ან იმ პირისათვის, რომელიც დამზღვევის თანხმობით მართლზომიერად სარგებლობს დაზღვეული ქონებით და ამის შესახებ არ აცნობა მზღვეველს წერილობითი ფორმით დაუყოვნებლივ, არაუგვიანეს 2 (ორი) სამუშაო დღისა, ან მზღვეველს მიუწოდა ყალბი ან არასრული ინფორმაცია;
- ნ) წინამდებარე პირობები არ ითვალისწინებს ნებისმიერი სახის მოწყობილობის ან დანადგარის ელექტროობის დაზიანებას, თუ ეს უშუალოდ ან არაპირდაპირ გამოწვეულია მოკლე ჩართვით ან დენის ცვალებადობით; ეს გამონაკლისი არ ეხება ასეთი მოკლე ჩართვის შედეგად გამოწვეული ხანძრით სხვა ქონების დაზიანებას;
- ო) თვითმფრინავის ან სხვა საჰაერო ტრანსპორტის ბგერითი ან ზებგერითი სიჩქარით ფრენისას წარმოშობილი წნევის ტალღებით;
- პ) სადაზღვევო რისკში განხორციელებული ისეთი არსებითი ცვლილებებით, რომელთა თაობაზე მზღვეველი არ იყო ინფორმირებული, ამასთან, არსებითად მიიჩნევა (მაგრამ არ შემოიფარგლება) ცვლილებები, რომლებიც ეხება შესაბამისი განცხადება-ანკეტით მოთხოვნილ ინფორმაციას;
- ჟ) ქონების უგზო-უკვლოდ გაუჩინარებით;
- რ) გარემოებებით, რომლებიც საქართველოს მოქმედი კანონმდებლობისა და/ან წინამდებარე პირობების მოთხოვნათა შესაბამისად, მზღვეველს ანიჭებს უფლებამოსილებას, უარი განაცხადოს სადაზღვევო ანაზღაურების გაცემაზე;
- ს) კონფისკაციით, მათ შორის, ქონების სახელმწიფო საკუთრებაში გადასვლით, ჩამორთმევით, რეკვიზიციით, ექსპროპრიაციით, სახელმწიფო/საჯარო ორგანოების განკარგულების საფუძველზე ქონების განადგურებით;
- ტ) ბირთვული რეაქციით, მათ შორის, ბირთვული რადიაციით ან დაბინძურებით;
- უ) არაკეთილსინდისიერი ქმედებით, მათ შორის, თაღლითობით, შანტაჟით, გამოძალავით;
- ფ) გამონაკლისია, ასევე, შენარჩუნების, მათ შორის, ჩვეულებრივი შენახვის, ხარჯები.

7. სადაზღვევო ანაზღაურებაზე უარის განცხადება

- 7.1. მზღვეველს შეუძლია უარი განაცხადოს სადაზღვევო ანაზღაურების გაცემაზე:
- 7.1.1. დამზღვევის მიერ დაზღვევის პირობებით და სადაზღვევო პოლისით ნაკისრი ვალდებულებების შეუსრულებლობის შემთხვევაში;
- 7.1.2. თუ დამზღვევმა (მოსარგებლემ) სადაზღვევო შემთხვევა გამოიწვია განზრახ ან უხეში გაუფრთხილებლობით;
- 7.1.3. შესაბამისი სადაზღვევო პოლისით გათვალისწინებული პირველი ან ერთჯერადი სადაზღვევო პრემიის დამზღვევის მიერ გადახდამდე მზღვეველი თავისუფალია ნაკისრი მოვალეობების შესრულებისგან.
- 7.1.4. სადაზღვევო პრემიის დროულად, სადაზღვევო პოლისით დადგენილ ვადებში, გადაუხდელობის შემთხვევაში მზღვეველის მხრიდან განისაზღვრება პრემიის გადახდის

ორკვირიანი დამატებითი ვადა. თუ ამ ვადის გასვლის შემდგომ ადგილი ექნება სადაზღვევო შემთხვევას, და გადახდა არ იქნება განხორციელებული, მზღვეველი თავისუფლდება ანაზღაურების მოვალეობისაგან.

7.1.5. დამზღვევის მიერ ზიანზე პასუხისმგებელი პირისათვის უარის თქმა პრეტენზიებზე ან იმ უფლებებზე, რომლებიც უზრუნველყოფს მის მიმართ მოთხოვნების რეალიზაციას, აგრეთვე, უარის თქმა მზღვეველისათვის, გადასცეს ამ უკანასკნელს რეგრესული მოთხოვნის წასაყენებლად საჭირო დოკუმენტები, ათავისუფლებს მზღვეველს სადაზღვევო ანაზღაურების გადახდისაგან, ხოლო თუ ასეთი ანაზღაურება უკვე გაცემულია, მზღვეველს ანიჭებს გაცემული თანხის უკან მოთხოვნის უფლებამოსილებას

7.2. დაზღვევის საგანი არ შეიძლება იყოს, ანუ დაზღვევას არ ექვემდებარება და დაზღვევით არ იფარება:

- ა) ფულის ბანკნოტები და კუპონები, ბეჭდები, ობლიგაციები, სავალო ვალდებულებები, ვაუჩერები, ჟეტონები, საკრედიტო ბარათები და სხვა ფასიანი ქაღალდები;
- ბ) ძვირფასი ლითონები და ძვირფასი ლითონების ნაკეთობები, ძვირფასი ქვები;
- გ) ხელნაწერები, გეგმები, ნახაზები, ნიმუშები;
- დ) კომპიუტერებში და ანალოგიურ სისტემებში არსებული ტექნიკური საინფორმაციო საშუალებები (მაგნიტური ლენტი, მაგნიტური დისკი, მეხსიერების ბლოკი და სხვა) და ინფორმაციის სხვა მატარებლები;
- ე) მიწისქვეშა შახტები;
- ვ) ცოცხალი არსებები და/ან მცენარეები;
- ზ) ნავთობ-ქიმიური რისკები, გარდა ბენზინგასამართი სადგურებისა;
- თ) გადამცემი და/ან გამანაწილებელი ხაზები;
- ი) ასაფეთებელი, ასევე, ქიმიური ნივთიერებების, თხევადი ან კომპრესირებული გაზის წარმოება, მიწოდება, შენახვა;
- კ) ისეთი საქონელი, რომელიც მარაგის სახით არის დასაწყობებული მათი შექენიდან 1 (ერთ) წელზე მეტი ვადით, თუ საწინააღმდეგო საგანგებოდ არ არის დათქმული სადაზღვევო პოლისში.
- ლ) ავტოსატრანსპორტო საშუალებები, მათ შორის, გათვალისწინებული საგზაო გამოყენებისთვის; სარკინიგზო ორთქმავლები, სარკინიგზო მოძრავი შემადგენლობა, საზღვაო ხომალდები, საჰაერო ხომალდები და ა.შ.;
- მ) კოსმოსური ხომალდები, მათ შორის, სატელიტური ანტენები.

წინამდებარე შეთავაზება წარმოადგენს არაამომწურავ ინფორმაციას დაზღვევის პირობების შესახებ და აღნიშნული დოკუმენტი არ არის დაზღვევის ხელშეკრულების იდენტიური ძალის მქონე.

თქვენ მიერ წინამდებარე შეთავაზების გაცნობა და ჩვენ მიერ შეთავაზებასთან დაკავშირებით განმარტებების გაკეთება არ წარმოშობს სამართლებრივ შედეგებს და მოთხოვნებს ჩვენსა და თქვენ შორის.